

全羅道觀察使許洽為弘文館應教○京畿朔寧咸鏡道文川平安道成川昌城等邑大風雨雹○庚申大司憲俞汝霖大司諫南世準等因任權啓辭合同請適三啓 命勿辭○御夕講○坤方有氣如火○

辛酉

上行

聖節望闕禮○臺諫以前事請適五啓 命勿辭啓

退待適命而出傳于政院曰臺諫數日啓避之事目 上豈不計之乎

且弘文館若論臺諫之事則已矣此乃任權臨文言論之事也以不顯然之事適之則亦非矣其以此意招臺諫言之汝霖等以 命復來

而前啓避至再

命勿辭○傳于政院曰任權之論臺諫臨文偶然與

否不得知○權宜自來啓其意而不爾臺諫亦累日辭避自 上欲問

其意於權也以臨文所論問之似異故不問之矣若他事則當問于大

臣也若任權自來而言之則上下當自解釋也此事徐當議于大臣矣

今何以為之其議啓且臺諫於昨日則只辭免而今則至於退去然非

如呈辭明日朝參朝講似宜入參也但若臨班而乃啓曰退而待 命

云則還停亦不可也朝參則不如朝賀還停亦易然何以為之政院僉

啓曰任權所啓之意未可知也侍從啓事而下問近日所未有也且臺

諫之意亦未可知也但以今日不就職之勢觀之恐或不隨班也有